



Broj: 01-04-2-370/2025

Sarajevo, 03./1./2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

O D L U K U

o izboru najpovoljnijeg ponuđača

I

Najpovoljnijem ponuđaču EUROBIT d.o.o. Sarajevo, broj ponude: 09/2025 od 30.10.2025. godine, u postupku javne nabavke nadogradnje modula za Informacioni sistem upravljanja otpadom za obračun naknada za posebne kategorije otpada dodjeljuje se ugovor o nabavci nadogradnje modula za Informacioni sistem upravljanja otpadom za obračun naknada za posebne kategorije otpada u iznosu od 34.188,00 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-341/2025 od 06.10.2025. godine. Javna nabavka je sprovedena putem otvorenog postupka javne nabavke. Ukupna procijenjena vrijednost javne nabavke iznosila je do 34.188,03 KM bez PDV-a.

Obavještenje o nabavci broj: 1382-1-1-62-3-51/25 objavljeno je na e-Portal javnih nabavki dana 07.10.2025. godine u 13:22 sati, dok je na osnovu člana 11. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj 80/22) sažetak obavještenja objavljen dana 10.10.2025. godine pod brojem 59/25 („Službeni glasnik BiH“ – Oglasnik javne nabavke).

Tendersku dokumentaciju broj: 01-04-2-5330/2025 od 07.10.2025. godine (u daljem tekstu: tenderska dokumentacija) preuzelo je 10 (deset) ponuđača, dok je ponudu u skladu sa provedenim postupkom javne nabavke dostavio sljedeći ponuđač:

<i>R.br.</i>	<i>Broj protokola</i>	<i>Naziv ponuđača</i>	<i>Datum i sat prijema</i>
1.	U-04-5549/2025	EUROBIT d.o.o. Sarajevo	31.10.2025. godine u 10:10 sati

Krajnji rok za prijem ponuda bio je 31.10.2025. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-359/2025 od 21.10.2025. godine (u daljem tekstu: Komisija) pristupila je javnom otvaranju ponuda dana 31.10.2025. godine u 12:15 sati, te je konstatovala da je



dostavljena ponuda navedenog ponuđača blagovremena, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponude na zatvorenoj sjednici, te je nakon izvršenog pregleda i ocjene iste utvrdila da ponuda ponuđača EUROBIT d.o.o. Sarajevo, broj: 09/2025 od 30.10.2025. godine sa ponuđenom ukupnom cijenom u iznosu od 34.188,00 bez PDV-a ispunjava sve uslove tenderske dokumentacije.

Uzimajući u obzir pristiglu prihvatljivu ponudu ponuđača prema kriteriju za izbor ponude, daje se sljedeći tabelarni pregled:

R.br.	Naziv ponuđača	Cijena u KM bez PDV-a	Rang
1.	EUROBIT d.o.o. Sarajevo	34.188,00 KM bez PDV-a	1

Nakon provedenog postupka provjere kvalifikacije ponuđača, kao i pregleda i ocjene ponude, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 31.10.2025. godine koji ujedno predstavlja i Izvještaj o radu Komisije, zajedno sa Preporukom za donošenje od 31.10.2025. godine.

Obzirom na činjenicu da je u predmetnom postupku najniža cijena definisana kao kriterij za izbor najpovoljnijeg ponuđača, kao najpovoljnija i jedina prihvatljiva ponuda smatra se ponuda ponuđača EUROBIT d.o.o. Sarajevo, broj ponude: 09/2025 od 30.10.2025. godine, te se s tim u vezi ugovor o nabavci nadogradnje modula za Informacioni sistem upravljanja otpadom za obračun naknada za posebne kategorije otpada dodjeljuje navedenom ponuđaču u iznosu od 34.188,00 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke.



Fond za zaštitu okoliša
Federacije BiH

Sladjan Bevanda, direktor

Dostaviti:

1. ponuđaču (putem e-maila)
2. Sektoru za finansije
3. Samostalnom odjelu za opće poslove
4. a/a